

Fwen Yahmaiq

寡妇歌

Cinz Gvanghniuj Cinz Yiz / 覃光扭 覃瑜

Liuzsaez:
Haq daeuj cib geij ngoenz,
Dongx lwg mbouj han gvaq,
Dahbawx lumj duzdinz,
Baez ning couh ndaq vunz,
Fad buenz youh vit vanj,
Lumj ciq de fanh ngaenz,
Baenzneix gvaq saedcej,
Baenzlawz gvaq ndaej ndei?

Gvan mwngz baez ok naj,
Dangnaj gangj cingcuj,
Daxmeh miz maz loek,
Gou ndei gaij gvaqdaej,
Yaek fouzleix luenh nauh,
Doeklaeng couh haep bak.

Yahlungz:
Daxmeh mbouj miz loek,
Loek dwg ma rieng raez,
Ngauz rieng bi’ndadndad,
Gou yawj gag fatheiq.

Liuzsaez:
Bawx gangj neix mbouj deng,
Mwngz gangj ma rieng raez,
Yienghyiengh cwnnggen miz,
Gvanbaz dou habfap,
Duzbyaj bag mbouj deuz,
Mwngz maj ndaej gig lengj,
Aeu miz di suciz,
Raeuz caemh gaij bakdou.

Suenq gou miz mbouj deng,
Hix gaej baenzneix hut,
Suenq gou guh saeh loek,
Hix gaej baenzneix bongz.

Yahlungz:
Gou couh baenzneix ndaq,

Mwngz couh dwg rieng raez,
Daj laj ep daxboh,
Boh gwn deng noh haeu,
Cij auu mwngz guh yah,
Siengj auu dou nyinh mwngz,
Cijmiz bya bienq gumh,
Caj daengz ciuh baihlaj,
Ngoenzlawz boh mbouj youq,
Ndek mwngz roengz laj dat.

Goenglungz: (rag Liuzsaez deuz)
Laihnaeuz daeuj ndaep feiz,
Dauq deng feiz coemh ndoeng,
Dahbawx heiqgengen,
Nyaenx de gvaqbae gonq,
Naj laux nyiengh naj coz,
Raeuz bae ndaw rug ndoj.

Liuzsaez: (doq byaij doq ciengq)
Nyiengh mwngz sam liengx hing,
Mbouj dwg mbouj rox caengh,
Naj laux nyiengh naj coz,
Maqmuengh mwngz dingzcij,
Gaej hawj caenx roengz dat,
Mwngz ak gou hix ak,
Danghnaeuz gwnz haw moeb,
Yaep ndeu couh hingz mwngz.

Yahlungz:
Gou couh mbouj dingzcij,
Genhgez caenx mwngz deuz,
Danghnaeuz caenx mbouj gvaq,
Gou couh deuz bae haq,
Hawj Daeglungz guhdoeg,
Hawj lwg Lungz baenz gyax.

Daeglungz:
Bawx mwngz baenzneix yak,
Gaej hawj feiz coemh ndoeng,
Mehlaeng gangj ndaej deng,

Doxhuz couhdwg gim,
Nyaenx cij dwg fap ndei,
Vunzcaen huz saeh hoengh.

Yahlungz:
Mwngz caen dwg huk lai,
Bohmeh dwg bouxhek,
Beixnuengx fat daraiz,
Gvanbaz caemh cienzcaiz,
Miz ngoenz daxboh dai,
Ndoengcoengz hawj yahmaiq,
Mwngz siengj auu couh nanz,
Ngoenzneix vih mwngz naemj,
Mwngz dauqfanj hut gou,
Vih gaiq ndoeng gocoengz,
Gou couh guh vunzyak,
Baez raen de couh ndaq,
Gyaep de lingh bae haq.

Mwngz yaek mbouj bang gou,
Gou couh gven bakdou,
Mwngz lingh ninz aen rug,
Raen mwngz couh simfanz.

Daeglungz:
Yienzlaiz dwg yienghneix,
Vih gaiq ndoengcoengz haenx,
Mehyah bienq vunzyak,
Mwngz gangj gou couh doeng,
Lau ndoeng miz vunz baen,
Doeklaeng gou bang mwngz,
Caezgya naemj banhfab,
Bik mehlaeng bae haq,
Aeu gaiq ndoeng maenhfwd.

Gaenlaeng
10 ngoenz gvaq le, Liuzsaez dai lo, aenvih ngoenzhaenx de caeuq Yahlungz doxceng, yienznaeuz Liuzsaez mbouj deng sieng gizlawz, hoeng de gamjdaengz, ranz Goenglungz de caiq hix youq mbouj ndaej roengzbae lo. Gwnzbiengz baenzneix hung, cix mbouj miz dieg hawj de youq. Ndigah, de diuq roengz dah Genzgyangh raemx fanboekboek bae lo. Daiq gij maqmuengh aicingz bae, hix daiq bae gij saetmuengh ciuhvunz bae. (sat)



Ciuhvunz Rumzfwn

风雨人生

Cinz Gvanghlinz / 覃光林

Youq gwnz haij ciuhvunz hai ruz
Cungj maqmuengh bingzan caemhcaiq ndaej swnhrumz bae bongh
Ndwenngoenz miz rumz ci couh swngz rumz bae bongh
Ndwenngoenz miz fwn doek couh daemh langh bae hai
Miz rumz youh miz fwn cijdwg ciuhvunz

Youq gwnz haij ciuhvunz hai ruz
Cungj maqmuengh rumz menhmenh ci daengngoenz ronghsag
Saeteiq seiz auu swng hwnj gangfung
Indot seiz auu dwkrengz coh baihnaj byaij
Miz hwnj miz roengz cijdwg ciuhvunz

Mbouj miz gij gumz yamq mbouj bae
Mbouj miz gij dah doh mbouj liux
Roen ciuhvunz cungj baengh swlheij bae leh

Mbouj miz gij roen byaij mbouj liux
Mbouj miz gij go ciengq mbouj sat
Fueng’yiengq ciuhvunz cungj baengh swlheij bae senj

广西民族报社申领新闻记者证人员公示

根据《新闻记者证管理办法》（国家新闻出版总署令第44号）规定，本报已对本次申领新闻记者证人员的资格进行严格审核，现将申领新闻记者证人员名单进行公示，名单如下：
梁海星 梁晴 阮启枝 覃雅妮 唐龙 韦亦玮

公示时间：2016年7月27日—8月2日
举报电话：自治区新闻出版广电局：0771-5516027；广西民族报社：0771-5528498、5528073。
广西民族报社
2016年7月27日

·fwenraez·

Fwendanq Ciengq Hawj Bouxbing

唱给军人的赞歌

Bwz Cinvaz / 白俊华

Hot Daihngeih——

Swz Dieg Cuengqsauq

第二首——告别哨位

Daengz rumz seizcou cifofoz
Gou baez ceiq laeng byaij hwnj dieg cuengqsauq
Cungq, gaemh youq fajaek gig maenh
Gamjcingz youq ndaw da myigmyanz
Mbouj dwg raemxda ronghrik

Naemj seiz hanh conh lumj fwn doek roengz
Got gop ndit he
Gij ndwenngoenz lumj sei nei
Youq ndaw fwngz gou wenj saek loeg

Vadinghyangh hai lo
Vadinghyangh loenq lo
Gij saedcej nanz bae hai bak gangj swz
Gij loh iq henz dieg cuengqsauq
Hawj ndaejgeiq baenzciuh hom caez

Gij dohraeuj fagcungq
Dwg dohraeuj gaiq lwed
Gij congh linq gwnz cungq rongh’ii
Haenx dwg hoenz vunz
Doeklaeng lai bi
Boux vunz fwngz gaem fag cungq neix
Youq haemh ronghndwen rongh caemh-caiq ndaundeiq noix
Itdingh rox roxnyinh daengz baihlaeng bakcungq
Doiq da singigaeh haenx

Vuenh gangj lo
Nyinhcaen dwk hawj mwngz fagcungq
Beixnuengx gou simgyaez
Doeklaeng
Gingq aen ginhlaex he
Raemxda gou
Con gvaq seizgan caeuq lizgyae
Caeuq gyoengqsou
Ciengxlwenx gyroecomz youq dieg he